

Dario Hess ed il nov Top Pop Rumantsch

■ (cp) Radiotelevision Svizra Rumantscha (RTR) preschenta la 45avla ediziun dal Top Pop Rumantsch d'in chantadur da country da Sedrun. Dario Hess chanta sia chanzun «Da da me cor». Il nov Top Pop vegn preschentà ils 24 d'avust a las 11.00 al Radio Rumantsch. Camiunist da di, chantatur da notg – uschia pudess ins circumscriver la vita excitanta da Dario Hess. Las famusas vias americanas collian las duas occupaziuns: en il center stattan musica da country, blues e rock ch'il musicist tuatschin preschenta fitg bain sin ses album «Blended» gist cumpari dacurt. Ma il medem mument sa regorda Hess da las sendas da sia patria alpina. Sco cuntrapunct a l'ovra englaisa chanta el uss il pli nov Top Pop Rumantsch en bel dialect tuatschin.

«Da da me cor» è il titel da sia cumpoziun, ina pitschna oda a la libertad ed a la ligerezza da la vita. «O lai me reiver plontas ... o da me melli sondas» hai num en ina strofa, ed il chantatur conceda avertamain l'agid poetic da ses collega ed ami *Pascal Gamboni*.

Per dar a la chanzun ina tempru spziala ha Dario ultra da quai sa laschà accumpagnar da *Remo Derungs* e da la Societad da musica da Vignogn, la musica ch'aveva gia participà ad in Top Pop avant varsaquants onns («Di per di» cun Ursina). «Brass'N'Hess» sa numna perquai il project. Ils sturs transportan la bella melodia virtualmain en ina tenda da festa e sustegnan la vusch marcanta da Hess che po rasar ora tut ses registers, da la ferma sgrattada en fin tar il fin schuschuri, confermond uschia il vigur

«trucker tuatschin». Tut quai en il 45avel Top Pop Rumantsch, d'udir a partir dals 24 d'avust 2018 sin las undas dal Radio Rumantsch ubain era sin rtr.ch.

Cirt r bun

Brass'N'Hess: Da da me cor

Musica: Dario Hess

Text: Dario Hess & Pascal Gamboni

Guitarra: Dario Hess

Bass: Rees Coray

Battaria: Manuel Eicher

Sturs: Societad da musica da Vignogn

Direcziun sturs: Remo Derungs

Arranschament sturs: Rolf Ambauen

Producziun & mix: Manfred Zazzi



Dario Hess, il chantatur da country.